

## Հ Ա Շ Վ Ե Տ Վ ՈՒ Թ Յ ՈՒ Ն

### ՍԱՐԳԻՍ ՀԱՅՈՑՅԱՆԻ՝ ՄԵԾ ԲՐԻՏԱՆԻԱՅԻ ԵՎ ՀՅՈՒՍԻՍԱՅԻՆ ԻՌԱՆԴԻԱՅԻ ՄԻԱՑՅԱԼ ԹԱԳԱՎՈՐՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

#### 1. Անունը, ազգանունը

Սարգիս Հայոցյան

#### 2. Զբաղեցրած պաշտոնը

Բարձրագույն կրթության և գիտության կոմիտեի նախագահ

#### 3. Գործուղման վայրը և ժամկետները

Մեծ Բրիտանիայի և Հյուսիսային Իռլանդիայի Միացյալ Թագավորություն, ք. Մանչեսթեր, նոյեմբերի 12-ից 14-ը, 2024 թվական

#### 4. Հրավիրող կողմը

Բրիտանական խորհրդի հայաստանյան ներկայացուցչություն

#### 5. Գործուղման նպատակը (աշխատանքային որ խնդրի լուծման համար էր նախատեսված գործուղումը)

Մասնակցություն «Խորքային երկխոսություն 2024. անդրազգային կրթություն. խորքային հայացք դեպի անդրազգային կրթությունը կանոնակարգող միջավայր և քաղաքականություն» խորագրով միջոցառմանը

#### 6. Քննարկված թեմաները

- բարձրագույն կրթությունը միջազգային դիտանկյունից և վերջինիս զարգացման միտումները,
- բարձրագույն կրթության ազատականացումը և դրա ադեցությունը անդրազգային կրթության վրա,
- փոխադարձ շահի վրա հիմնված կայուն և բարձրակարգ անդրազգային կրթության ապահովում,
- համատեղ միջազգային հավատարմագրում.որակի ապահովման մարտահրավերներ,
- անդրազգային կրթության ոլորտում տվյալների համակարգ,
- անդրազգային կրթության հարմարեցումը տարբեր մշակութային համատեքստերում,
- անդրազգային կրթության ոլորտում Մեծ Բրիտանիայի բուհերի փորձը,
- այլ հարցեր:

#### 7. Հանդիպումները, ելույթները, բարձրացված կամ քննարկված հարցերը

2024 թվականի նոյեմբերի 12-ից 14-ը Բարձրագույն կրթության և գիտության կոմիտեի նախագահ Սարգիս Հայրոսյանը Բրիտանական խորհրդի հայաստանյան ներկայացուցչության հրավերով մասնակցել է գլոբալ կրթական ծրագրերի շրջանակում Բրիտանական խորհրդի կողմից իրականացվող «Խորքային երկխոսություն 2024. անդրազգային կրթություն. խորքային հայացք դեպի անդրազգային կրթությունը կանոնակարգող միջավայր և քաղաքականություն» խորագրով միջոցառմանը:

Գլոբալ երկխոսության միջոցառումների շարքն իրականացվում է Բրիտանական խորհրդի կողմից Միացյալ Թագավորության և օտարերկրյա ոլորտային փորձագետների հետ համագործակցությամբ՝ այս տարի ներգրավելով 18 պետությունների բարձրագույն կրթության պետական քաղաքականության մշակման և ոլորտի միջազգայնացման համար պատասխանատու գերատեսչությունների բարձրաստիճան ներկայացուցիչներին:

Գլոբալ երկխոսության ձևաչափով իրականացվող այս միջոցառման ընթացքում թիրախային քննարկումներ են ծավալվել համաշխարհային մակարդակով բարձրագույն կրթության ոլորտի վրա ազդեցություն ունեցող առանցքային թեմաների շուրջ:

Միջոցառումն ուղղված էր ոլորտը կարգավորող արդիական և կիրառելի իրավական շրջանակների, քաղաքականության, մոտեցումների, մոդելների և ծրագրերի շուրջ տեղեկատվության, տվյալների և փորձի փոխանակմանը՝ կարևորելով անդրազգային կրթության և միջազգայնորեն ճանաչելի որակավորումների վերաբերյալ մատչելի մոտեցումների որդեգրման անհրաժեշտությունը:

Բարձրագույն կրթության և գիտության կոմիտեի նախագահ Սարգիս Հայրոսյանը հանդես է եկել ելույթով «Բարձրագույն կրթության ոլորտում ուսանողների ներկայիս փորձառությունը և ոլորտի զարգացման տեսլականը» քննարկման ընթացքում: Ելույթում Ս.Հայրոսյանն ընդգծել է ուսանողների փորձառության վրա ազդող գործոնները, առկա մարտահրավերները և լայնամասշտաբ բարեփոխումներ իրականացնելու համար օրենսդրական փոփոխությունների անհրաժեշտությունը, ինչպես նաև «Ակադեմիական քաղաք» ծրագրի նպատակները, որոնցով նախատեսվում է ոչ միայն մատուցվող կրթական ծառայությունների որակի բարձրացում, այլև ուսանողներին ժամանցի և անձնական աճի ավելի լայն հնարավորությունների ընձեռում: Անդրադառնալով «Ակադեմիական քաղաք» ծրագրի շրջանակում Լոնդոնի արվեստների համալսարանի, Լոնդոնի համալսարանական քոլեջի և Մյունխենի տեխնիկական համալսարանի հետ կնքված պայմանագրերին՝ Ս. Հայրոսյանը նշեց, որ անդրազգային կրթության տարբեր մոդելների ներդրման հարցը

կքննարկվի նաև ձեռք բերված պայմանավորվածությունների ներքո Ակադեմիական քաղաքի տարբեր կլաստերների ձևավորման աշխատանքների շրջանակում:

Միջոցառման ընթացքում անդրադարձ է կատարվել նաև բարձրագույն կրթության միջազգայնացման գործընթացի հիմնական մարտահրավերներին և դրանց հնարավոր լուծումներին՝ նպատակ ունենալով ստեղծել ոլորտային համագործակցության ցանցեր և գիտելիքի փոխանակման ակտիվ համայնքներ:

Միջոցառման ընթացքում կայացել են այցեր Սելֆորդի համալսարան և Ակադեմիա 92 համալսարան տեղում անդրազգային կրթության ընձեռած հնարավորություններին ծանոթանալու նպատակով:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթեր

Միջոցառման մասնակիցների կողմից նշվեց երկխոսության կարևորությունը և առաջարկվեց շարունակել խորքային քննարկումների շարքը: Բրիտանական խորհուրդը կքննարկի երկխոսության շարունակականության հարցը՝ քննարկումների նոր ձևաչափերի մասին տեղեկությունը փոխանցելով ազգային ներկայացուցչություններին:

9. Առաջարկությունները, դրանց ընթացք փալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Բրիտանական խորհրդի հայաստանյան ներկայացուցչություն ղեկավարի հետ քննարկվել է անդրազգային կրթության ռազմավարության մշակման գործում Բրիտանական խորհրդի կողմից հնարավոր աջակցության հարցը: Պայմանավորվածություն է ձեռք բերվել առաջիկայում առավել մանրամասն քննարկել ռազմավարության մշակման նպատակով միջազգային փորձագետների ներգրավման հարցը:

10. Ստորագրությունը, ամսաթիվը

Սարգիս Հայրոցյան

19 նոյեմբերի 2024թ.